

Donostian, Diputazio Jauregian, 1982.eko Irailaren 24ean egin du Euskaltzaindiak, arratsaldeko lauretan, bere hileroko batzarra. Bildu dira: L. Villasante, P. Altuna, J. L. Davant, X. Diharce, A. Irigoyen, F. Krutwig, P. Lafitte, E. Larre, F. Ondarra eta J. San Martin euskaltzain jaunak; Justo Garate euskaltzain ohorezko jauna; J. L. Alvarez "Txillardegi", J. A. Arana, M. Atxaga, P. Charritton, X. Kintana, J. A. Letamendia, J. L. Lizundia, J. A. Mujika, P. Uribarren, A. Zatarain eta J. J. Zearreta euskaltzain urgazle jaunak. F. Ondarra euskaltzainak egiten du Idazkari bezala, J. L. Lizundia Idazkari-ordearen laguntzaz.

J. Haritschelhar eta E. Knörr euskaltzain jaunak goizeko bilkuran egon dira. J. M.^a Satrustegi eta L. Mitxelena jaunek ezin etorria adierazi dute.

Ohi den otoitzarekin hasi da batzarra.

Uztaileko agiri biak onartu dira.

Batzarraren hasieran L. Villasante, euskaltzainburuak, A. Plazido Mujika euskaltzain urgazlearen hilberria eman du eta ondoren, P. Altuna euskaltzain jaunari ematen dio hitza. Beronek, Aita Mujikaren goratzare txostena irakurtzen du, euskaltzain urgazle zenduaren bizitza eta lanen berri zehatzak emanez.

Jarraian, euskaltzainburuak, batzarraren izenean, ongi etorri berezi bat egiten dio Ameriketara bizi den eta euskaltzain ohorezko den Justo Garate jaunari, Euskal Herrira etorri berri baita.

X. Kintana jaunak sari edo aipamen berezi bat jarri behar litzatekeela euskaltzaitasuna agertzen duten Merkatal etxeei, proposatzen du. Gaietan ez zegoenez gero, idatzita proposamen zehatz bat egitea eskatzen zaio eta estudiantuko dela.

Goizeko bilkuraren berri

Goizeko bilkuran, J. L. Lizundia jaunak, Euskaltzaindiaren egoitza berriaz, horretarako izendatu zen batzordeak egin dituen gestioen kontu eman du.

Euskaltzaindiak, batasunerako eskaini dituen erabakiak bildumatu eta sailkatu egin ditu Jaurilaritzako Hezkuntza Kontseilaritzaren Euskara Zerbitzuak eta ondoren, euskaltzainburuari igorri. Euskaltzaindiak ontzat hartzen du L. Villasante jaunak

egin duen gainbegirada eta hala adieraziko zaio Jauriaritzako Zerbitzu horri, bide batez, egin duen lan baliotsuagatik eskerrak ematea erabakiz.

Bizkaierazko aditzaren erabileraz, horretarako izendatu zen batzordeak egin duen txostenari birrespena eman zaiola, aditzera eman da. Lan hau Jauriaritzako Hezkuntza Kontseilaritzak eskaturik aztertu da eta lan honen xedea, Bizkaiko irakas-kuntzarako izango da batez ere.

Azaroaren lehen hamabostaldian, Bertsolaritzari buruzko Jardunaldiak egitea programatu du Jagon Sailak, Gipuzkoako Aurrezki Kutxa Probintzialarekin batera. Jardunaldi hauek Euskal Herriko Bertsolari Txapelketa Nagusiaren bigarren egitarau barnean sartzen direla, kontu ematen du J. San Martin jaunak. Bestalde, Bertsolaritza batzordea biltzekotan da Txapelketaren bigarren ekitaldia antolatzeko.

Hiztegi saileko zenbait puntu tratatzeko Jardunaldi batzuen proposamena eginenez, bi txosten irakurri dira goizeko euskaltzainen bilkuran. Bata, euskaltzainburuarena eta bestea, Iker Sailburuarena. Jardunaldi hauek Abenduan egitea pentsatu da, eta ahal bada Durangon, Euskal Liburu Azokaren egunetan. Beraien gai nagusia maileguzko hitzen ortografia aztertzea izango litzateke eta agian, konposaketa legeak ere bai. Guzti honetaz lehen eztabaida bat egin dela goizeko bilkuran, aitzen eman da eta baita propioki bi batzorde suntsikor izendatu direla ere. Hizkuntza batzordearen esku gelditzen da gaiak erabatez, mugatzea eta finkatzea eta jaun hauek osotuko dute: L. Mitxelena buru, L. Villasante, E. Knörr, F. Krutwig, P. Goenaga, X. Kintana, L. M.^a Mujika, I. Sarasola, M. Azkarate eta M. Zalbide. Jardunaldiok prestatzeko antolakizun batzordea ordea, honela izendatu da: J. San Martin buru, R. Badiola eta J. L. Lizundia idazkari.

Dagozkien batzordeen azalpena

Hurrengo ostiralean, alegia, Urriaren lehen arratsaldeko 4etan, Iruñeko "Sario" ikastetxean, Euskararen Gaitasun Agiria lortzeko D mailako etsaminak, horretarako izendatuta dagoen batzordeak egingo dituela, aitzen eman da.

Dialektologi batzorde idazkariak, alegia, J. M.^a Etxebarria jaunak, uda honetan, euskal eskualdeetako zenbait herritan egin diren giza-gorputzari buruzko inkesta lanen behin-behineko azalpena eman du.

Txostena

"Testu zahar baten bitxitasunak" izeneko Bitor Kapanaga jaunaren txostena irakurri da. "Refranes y Sentencias" bilduman agertzen diren zenbait errefracu eta esaera aztertu ditu, bere txostenean. Ondoren, gai honetaz eztabaida sortzen da.

Eta besterik gabe amaitu da batzarra.

Euskaltzainburua

Fr. Luis Villasante

Idazkariak

Fco. Ondarra-Jose Luis Lizundia